

Shodno odredbama Zakona o igrama na sreću FBiH ("Sl. novine FBiH", br. 48/2015 i 60/2015 - ispr.), te odredbama Pravilnika o sadržaju pravila uslovima i načinu priređivanja nagradnih igara FBiH ("Sl. novine FBiH", br. 30/2016, 63/2019, 92/2020, 12/2022, 67/2023 i 53/2024), društvo "ORBICO" d.o.o. Sarajevo, ul. Lužansko polje br. 7, Sarajevo - Ilidža, JIB: 4200231040009, MBS: 65-01-0634-08 zastupano po punomoćniku i to advokatu Đapo Neži iz Advokatskog društva Eterović d.o.o. Sarajevo dana 09.01.2025. godine u Sarajevu, donosi slijedeća

PRAVILA NAGRADNE IGRE

"116 nagrada za 116 godina Max Factora"

Član 1.

Ovim Pravilima priređivač organizuje nagradnu igru urobi pod nazivom **"116 nagrada za 116 godina Max Factora"** (u daljem tekstu: Nagradna igra), te ova Pravila sadrže odredbe koje se odnose na Priređivača nagradne igre, Način organizovanja nagradne igre, Nagradni fond, Uslove za učešće, Način obavješćavanja učesnika u nagradnoj igri, Odgovornost organizatora prema učesnicima nagradne igre, kao i druga pitanja od značaja za organizovanje nagradne igre urobi i uslugama.

Nagradna igra se organizuje u saradnji priređivača i društva dm drogerie markt d.o.o. Sarajevo uz izričitu saglasnost društva dm drogerie markt d.o.o. Sarajevo u čijim poslovnim objektima će se vršiti promocija nagradne igre te će se realizacija iste vršiti u saradnji organizatora sa tim društvom, a sve u skladu sa ovim Pravilima.

1. ORGANIZATOR – NAZIV, SJEDIŠTE I JIB PRIREĐIVAČA

Član 2.

Organizator nagradne igre **"116 nagrada za 116 godina Max Factora"** je "ORBICO" d.o.o. Sarajevo, ul. Lužansko polje br. 7, Sarajevo - Ilidža, JIB: 4200231040009, MBS: 65-01-0634-08, u daljem tekstu: Organizator.

Član 3.

Nagradna igra se priređuje s ciljem promoviranja društva i proizvoda.

2. NAZIV, TRAJANJE, SVRHA I NAČIN OBAVEŠTAVANJA UČESNIKA U IGRI O PRAVILIMA IGRE

Član 4.

Naziv nagradne igre je **"116 nagrada za 116 godina Max Factora"**.

Nagradna igra **"116 nagrada za 116 godina Max Factora"** počinje 09.02.2025. godine i traje do 09.03.2025. godine.

Nagradna igra se sastoji od 4 sedmična kola.

Pravila nagradne igre će biti objavljena u dnevnom listu koji se distribuira na području održavanja Nagradne igre i na web stranici www.dm-drogeriemarkt.ba i to najmanje sedam dana prije početka nagradne igre.

Datum objavljivanja uslovljen je datumom dobijanja odobrenja za organizovanje nagradne igre od strane nadležnih organa

Član 5.

Svrha nagradne igre je promocija proizvoda organizatora.

3. PODRUČJE ORGANIZACIJE I PROVOĐENJA NAGRADNE IGRE

Član 6.

Nagradna igra se organizuje na Području Federacije Bosne i Hercegovine.

4. PRAVO NA UČEŠĆE

Član 7.

Sva punoljetna fizička lica, državljani BiH sa stalnim prebivalištem u istoj imaju pravo da učestvuju u Nagradnoj igri, izuzev lica zaposlenih kod priređivača, klijenta, marketinških agencija koje je priređivač angažovao u promociji Nagradne igre, kao i članova njihovih najužih porodica (supružnici, djeca, te roditelji i rođena braća i sestre ukoliko sa njima žive u zajednici).

Ukoliko je dobitnik nagrade lice lišeno poslovne sposobnosti, nagradu će za njega i u njegovo ime primiti zakonski zastupnik, nakon potpisivanja izjave kojom se Priređivač oslobađa svake odgovornosti koja može nastati u vezi dodjeljivanja nagrade, kao i plaćanja štete ili zahtjeva ma kakve prirode u vezi sa tim. Svojstvo zastupnika se dokazuju važećom originalnom dokumentacijom (Odluka o starateljstvu).

Dobitnik glavne nagrade mora imati važeću ličnu kartu.

Organizator zadržava pravo da, po sopstvenom nahođenju, izvrši mjere provjere gore navedenih činjenica.

Član 8.

Učešćem u nagradnoj igri svi učesnici prihvataju njena pravila.

Dobitnici nagrada pružiće sve informacije i dokumente potrebne da bi se mogla primjeniti Pravila ove nagradne igre, kao i odgovarajući zakoni.

5. USLOVI UČESTVOVANJA

Član 9.

Pravo učešća imaju punoljetna fizička lica, državljani BiH sa prebivalištem u istoj, koji u periodu trajanja nagradne igre na bilo kojem prodajnom mjestu društva dm drogerie markt d.o.o. Sarajevo u FBiH kupe bilo koji proizvod brenda MAX FACTOR, pri čemu proizvod mora biti označen na fiskalnom računu.

Za učestvovanje u nagradnoj igri neophodno je da učesnik skenira QR kod sa promotivnog materijala nagradne igre koji se nalazi u prodajnom mjestu u kojim je kupio proizvod brenda MAX FACTOR, a koji QR kod će ga odvesti na web stranicu društva dm drogerie markt d.o.o. Sarajevo i to www.dm-drogeriemarkt.ba. Na predmetnoj web stranici učesnik treba kliknuti na

link za nagradnu igru koji će ga dovesti do formulara koji treba popuniti radi učešća u nagradnoj igri.

U formular iz prethodnog stava učesnik je dužan unijeti slijedeće lične podatke: ime i prezime, adresu, poštanski broj i mjesto prebivališta, kontakt telefon, email, i broj fiskalnog računa na kojem je označen proizvod iz stava 1 ovog člana. Kupac je dužan zadržati svoju kopiju fiskalnog računa kao dokaz kupovine proizvoda po osnovu kojeg je podnio prijavu za učešće te navedeni fiskalni račun dostaviti uz izjavu o prihvatanju nagrade.

Nepotpuni podaci se neće uzimati u obzir.

Član 10.

Nagrada se ne može prenijeti na drugu osobu i ne može se prodati.

6. IZNOS NAGRADNOG FONDA, VRSTA, BROJ I VRIJEDNOST DOBITAKA

Član 11.

TABELA 1. UKUPNI NAGRADNI FOND U KM

TABELA 1. NAGRADNI FOND U KM				
	NAZIV NAGRADE	UKUPAN BROJ NAGRADA	CIJENA SA PDV-OM (KM)	CIJENA/UKUP NO SA PDV- OM (KM)
GLAVNA NAGRADA	PUTOVANJE NA MALDIVE ZA DVIJE OSOBE	1	9.270,00 KM	9.270,00 KM
OSTALE (SEDMIČNE) NAGRADE	iPhone 16	3	2.009,00 KM	6.027,00 KM
	Dyson Airwrap uvijač za kosu	3	965,00 KM	2.895,00 KM
	Apple Watch Series 9	3	799,00 KM	2.397,00 KM
	DM poklon bon	22	100,00 KM	2.200,00 KM
	Max Factor poklon set (FLE supreme recharge maskara, FLE supreme recharge maskara refil i 2000 calorie sjaj za usne)	22	61,95 KM	1.362,90 KM
NAGRADE UKUPNO SA PDV-OM (KM)			24.151,90 KM	

Broj nagrada je ograničen i ni u kom slučaju neće biti dodijeljeno više nagrada od broja predviđenog ovim pravilima.

Učesnici mogu više puta učestvovati u nagradnoj igri, a svi koji nisu izvučeni u jednom od kola, učestvuju do kraja nagradne igre.

Glavna nagrada se izvlači i dodjeljuje pobjedniku na kraju nagradne igre, a ostale (sedmične nagrade) se izvlače i dodjeljuju u 4 sedmična kola.

Navedeno putovanje na Maldive za dvije osobe podrazumijeva:

- *Avio prevoz na relaciji Sarajevo- Male / Male – Sarajevo*
- *5 noćenja u dvokrevetnoj hotelskoj sobi*
- *Dobrodošlica na aerodromu, prevoz do hotela brzim brodom s aerodroma*
- *All inclusive ishranu za vrijeme boravka (doručak, ručak, večera)*

Organizator ne preuzima bilo kakvu odgovornost za ozljede, bolesti i/ili bilo kakve štete vezano za putovanje. Organizator ne snosi nikakve daljnje troškove vezano za putovanje (primjerice: putno/zdravstveno osiguranje, troškove vize, lični troškovi koji nisu povezani sa programom - kupovina, prevoz na lokalne lokacije tokom slobodnog vremena, troškovi hrane osim planiranih obroka -hotelske nezgode, dodatni hotelski troškovi, ostale takse i sl.). U slučaju da dobitnik odluči povesti maloljetno lice kao pratnju bit će dužan snositi sve dodatne troškove koji se odnose na navedeno maloljetno lice. U slučaju da Dobitnik nije zakonski zastupnik za maloljetno lice koje odluči povesti sa sobom dužan je pribaviti pismenu saglasnost zakonskih zastupnika maloljetnika za predmetno putovanje kao i sve druge potrebne dokumente u skladu sa relevantnim propisima, a za što odgovornost i sve troškove snosi isključivo Dobitnik. Shodno navedenom ukoliko ukupni trošak putovanja pređe iznos vrijednosti nagrade razliku će biti dužan pokriti dobitnik nagrade. Utvrđuje se da je putovanje na Maldive za dvije osobe sa svim sadržajem navedenim gore je u cijelosti pokriveno vrijednosti nagrade pa shodno tome Dobitnik neće imati dodatnih troškova prilikom realizacije tačaka iz prethodnog stava. Utvrđuje se da je vrijednost nagrade definisana po prihvaćenoj ponudi turističke agencije pa shodno tome ne može doći ni do situacije da troškovi putovanja budu niži od vrijednosti nagrade.

Za putovanje na Maldive građanima Bosne i Hercegovine nije potrebna Viza.

Putovanje će se realizirati u periodu od 15.05.2025.godine do 20.05.2025.godine.

Na putovanje se primjenjuju se odredbe Općih uvjeta poslovanja turističke agencije Nomadik Travel koji se mogu pronaći na stanici agencije <https://nomadik.travel/podrska/>.

** Organizator ne preuzima bilo koji oblik odgovornosti, niti otklanja bilo kakvu vrstu odštete zbog sudjelovanja u Nagradnoj igri. Za realizaciju putovanja je odgovorna turistička agencija Nomadik Travel.*

7. IZVLAČENJE DOBITNIKA NAGRADA

Član 12.

Izvlačenje dobitnika biće provedeno putem slučajnog odabira koristeći eksterni program za slučajan odabir u prostorijama organizatora uz prisustvo tročlane komisije, čije će članove imenovati organizator ove nagradne igre.

Nagrade će biti izvučene u 4 sedmična kola kako slijedi:

- **Dana 15.02.2025. godine** u 09:00h sati izvlače se dobitnici ostalih (sedmičnih) nagrada i to: iPhone 16 x 1, Apple watch x 1, Dyson Airwrap uvijač za kosu x 1, DM poklon bon x 5; Poklon set MAX FACTOR x 5
- **Dana 22.02.2025. godine** u 09:00h sati izvlače se dobitnici ostalih (sedmičnih) nagrada i to: iPhone 16 x 1, Apple watch x 1, DM poklon bon x 6; Poklon set MAX FACTOR x 6
- **Dana 03.03.2025. godine** u 09:00h sati izvlače se dobitnici ostalih (sedmičnih) nagrada i to: Dyson Airwrap uvijač za kosu x 1, DM poklon bon x 5; Poklon set MAX FACTOR x 5
- **Dana 10.03.2025. godine** u 09:00h sati izvlači se dobitnik glavne nagrade Putovanje na Maldive za dvije osobe kao i dobitnici ostalih (sedmičnih) nagrada i to: iPhone 16 x 1, Dyson Airwrap uvijač za kosu x 1, Apple watch x 1, DM poklon bon x 6; Poklon set MAX FACTOR x 6

Izvlačenje sretnog dobitnika će se odrediti tako što će se izvući po jedna osnovna i 2 (dvije) rezervne nagradne kartice, uz provjeru od strane Komisije za izvlačenje da je kartica pravilno popunjena.

Prvi rezervni dobitnik je nagradni formular koji je izvučen slijedeći nakon prvog pobjedničkog nagradnog formulara i koji će dobiti nagradu u slučaju da prvo izvučeni nagradni formular bude diskvalifikovan kao dobitnik ili odbije da prihvati nagradu iz bilo kog razloga propisanog ovim pravilima.

Drugi rezervni dobitnik je nagradni formular koji je izvučen slijedeći nakon prvog izvučenog rezervnog nagradnog formulara i koji će dobiti nagradu u slučaju da prvo izvučeni nagradni formular i prvi rezervni formular budu diskvalifikovani kao dobitnici ili odbiju da prihvate nagradu iz bilo kog razloga propisanog ovim pravilima.

Član 13.

Izvlačenje dobitnika nagradne igre vršiće se isključivo u prisustvu članova komisije.

O ishodu utvrđivanja dobitnika vodi se zapisnik koji obavezno mora sadržavati:

- a) mjesto, vrijeme i način izvlačenja dobitnika
- b) broj i datum odobrenja Ministarstva,
- c) datum i naziv medija u kojem su pravila nagradne igre objavljena,
- d) imena i prezimena članova komisije,
- e) imena, prezimena i adrese dobitnika,
- f) naziv i vrijednost nagrade

Član 14.

Nadzor na provođenjem postupka utvrđivanja dobitnika nagradne igre provodi komisija koju čini tri člana i to:

- Fahreta Đedović

- Harun Bešlija
- Adela Šabanadžović

8. OBJAVA DOBITNIKA NAGRADA

Član 15.

Ime dobitnika će biti objavljeno na web stranici www.dm-drogeriemarkt.ba u roku od 10 dana od dana svakog kola izvlačenja.

9. PREUZIMANJE NAGRADA

Član 16.

Pobjednik će biti kontaktiran mailom ili telefonom (koji je ostavio u trenutku učešća u nagradnom takmičenju) u roku od 5 dana od dana završetka kola izvlačenja u kojem je on izvučen kao dobitnik.

Dobitnik može preuzeti glavnu nagradu Putovanje na Maldive za dvije osobe u roku od 15 dana od dana kada dobitnik dostavi izjavu o prihvatanju glavne nagrade u jednoj od poslovnica društva dm drogerie markt d.o.o. Sarajevo koja se nalazi na teritoriji Grada Sarajevo po dogovoru sa dobitnikom nagrade.

Ukoliko dobitnik ne preuzme osvojenu glavnu nagradu u roku iz prethodnog stava ovog člana, priređivač će ponovo obavijesiti dobitnika o osvojenoj nagradi, pri čemu dobitnik ima pravo preuzeti nagradu u dodatnom roku od 3 dana od prijema obavijesti.

Dobitnicima Ostalih (sedmičnih) nagrada će se nagrade isporučiti na kućnu adresu preporučenom poštom na adrese prebivališta koje su unijeli u formular prilikom podnošenja prijave i to u roku od 10 dana od dana kada dobitnik dostavi izjavu o prihvatanju glavne nagrade.

Dobitnik nagrade je u obavezi da u roku od 5 radnih dana od dana obaveštenja o osvojenoj glavnoj nagradi, dostavi priređivaču pisanu Izjavu o prihvatanju glavne nagrade. Predmetna Izjava se može dostaviti preko pošte ili lično na adresu ul. Lužansko polje br. 7 ili preko adrese elektronske pošte: maxfactorbih@gmail.com. Uz predmetnu izjavu Dobitnik je dužan dostaviti i svoju kopiju fiskalnog računa po osnovu kojeg je učestvovao u nagradnoj igri.

U slučaju da dobitnik nagrade ne dostavi Izjavu o prihvatanju glavne nagrade sa kopijom fiskalnog računa u roku i na način propisan u prethodnom stavu, isti gubi pravo na nagradu, te se ista dodjeljuje slijedećem rezervnom dobitniku.

U slučaju da priređivač iz registriranih podataka ne bude u mogućnosti kontaktirati glavnog dobitnika, ili isti bude diskvalificiran ili odbije da primi nagradu iz bilo kojih razloga, nagrada će se dodijeliti slijedećem rezervnom dobitniku.

Član 17.

Organizator ima obavezu da obavijesti pobjednika o mjestu i vremenu preuzimanja nagrade.

Organizator preuzima odgovornost da pravovremeno i tačno informiše učesnika u nagradnoj igri o njegovim pravima i obavezama kod preuzimanja nagrada.

Svaka greška i/ili propust prilikom dostave podataka od strane učesnika, neće proizvoditi bilo kakvu odgovornost Organizatora, odnosno tačnost kontakt podataka dostavljenih od učesnika je isključivo njegova odgovornost.

Organizator neće biti odgovoran u slučaju da učesnik koji je utvrđen kao pobjednik ne bude dostupan za preuzimanje nagrade, niti će biti odgovoran za bilo koje nedostatke ili kašnjenje u vezi sa isporukom nagrade.

Član 18.

Priredivač ne snosi troškove prevoza ili putovanja, niti bilo kakve druge eventualne troškove dobitnika povezane s preuzimanjem nagrade.

Osvojenu nagradu dobitnik ne može da prenese na drugo lice, te shodno tome ako iz bilo kog razloga dobitnik nagrade nije u mogućnosti da istu iskoristi onda će se glavna nagrada dodeliti slijedećem rezervnom dobitniku.

Osvojenu nagradu dobitnik kod priredivača ne može zamijeniti za novčanu protuvrijednost niti za bilo koju drugu nagradu.

Bilo kakve pritužbe na nagrade, neće biti uzimane u obzir niti će organizator i njegovi podizvođači imati bilo kakve odgovornosti po tom pitanju.

Eventualna obaveza plaćanja poreza na dohodak bit će izvršena u skladu sa propisima Zakona o porezu na dohodak FBiH, koji reguliraju obavezu uplate poreza od nagradnih igara.

Troškove poreza snosi Organizator nagradne igre.

10. OTKAZIVANJE

Član 19.

Organizator ima pravo da, uz prethodno pribavljenu saglasnost Federalnog ministarstva finansija, jednostrano otkaže nagradnu igru u bilo kojoj fazi, uz obavještenje, ukoliko bi došlo do povrede ili teške zloupotrebe Pravila ili događaja koji imaju karakter više sile, te javno objaviti otkazivanje u dnevnim novinama u kojima su Pravila i objavljena.

Ukoliko nastane neka od navedenih okolnosti, izvlačenje i distribucija nagrada biće odmah obustavljeni jednostranom odlukom Organizatora, nezavisno od potrebe za njenim eventualnim objavljivanjem.

U tom slučaju neće se nadoknaditi troškovi, direktna ili indirektna šteta učesnicima u nagradnoj igri, niti će se nagradna igra održati.

Nagradna igra se može prekinuti prema odluci Organizatora.

U slučaju više sile, povrede Pravila nagradne igre, te teške zloupotrebe Pravila nagradne igre. Organizator ne snosi nikakvu odgovornost u slučaju prekida nagradne igre iz navedenih razloga.

11. ZVANIČNA PRAVILA NAGRADNE IGRE

Član 20.

Samim učešćem u ovoj nagradnoj igri učesnici prihvataju da ih ova Pravila obavezuju. Odluke Organizatora donesene prema Pravilima nagradne igre konačne su i obavezujuće za sve učesnike.

Organizator ima pravo da jednostrano dopuni ili promijeni Pravila, uz prethodno pribavljenu saglasnost Federalnog ministarstva finansija te javno objavljivanje u dnevnim novinama i na www.dm-drogeriemarkt.ba na kojima su Pravila i objavljena.

Odobrenje za organizovanje nagradne igre i saglasnost na Pravila nagradne igre je prethodno dalo Federalno ministarstvo finansija.

12. SAGLASNOST

Član 21.

Učestovanjem u nagradnoj igri svaki učesnik prihvata prava i obaveze iz ovih Pravila, s tim da dobitnik nagrade takođe pristaje:

- da se njihovi podaci o ličnosti koji su dostupni priređivaču čuvaju u skladu sa Zakonom o zaštiti ličnih podataka i da isti mogu biti korišteni samo u marketinške svrhe priređivanja nagradne igre isključivo uz njihovu prethodnu saglasnost shodno članu 5. Zakona o zaštiti ličnih podataka (Objavljeno u "Sl. glasnik BiH", br. 49 od 27 juna 2006, 76/11, 89/11)
- da se njihovo ime javno objavi u skladu sa pozitivnim propisima,
- da se njihovi lični podaci: ime, prezime, slika i video materijal, mogu od strane priređivača koristiti na način da se objave u štampanom, zvučnom, slikovnom i video materijalu bez naknade, a isključivo u svrhe priređivanja ove nagradne igre i isključivo uz njihovu prethodnu saglasnost shodno članu 5 Zakona o zaštiti ličnih podataka (Objavljeno u "Sl. glasnik BiH", br. 49 od 27 juna 2006, 76/11, 89/11)

Učesnici i dobitnici u ovoj nagradnoj igri saglasni su da je sav gore pomenuti materijal vlasništvo priređivača, te se obavezuju da će se uzdržati od bilo kakvih postupaka prema priređivaču po osnovu prava korištenja i/ili vlasništva navedenog materijala.

13. ZAŠTITA LIČNIH PODATAKA

Član 22.

Učešćem u nagradnom takmičenju, učesnik se obavezuje da pristaje na ove uslove održavanja nagradne igre. Pobjednik nagradnog konkursa se obavezuje na pristanak da njegovo ime, podaci, budu korišteni u svrhu publiciteta organizatora nagradnog konkursa. Svi podaci učesnika u nagradnom konkursu biće korišteni od strane organizatora nagradnog konkursa ali samo u skladu sa zakonom o korišćenju i čuvanju podataka i neće biti dati na uvid trećim licima bez prethodne konsultacije i odobrenja od strane vlasnika podataka. Prihvatajući učešće u nagradnom takmičenju, Učesnik je u skladu sa Zakonom o zaštiti ličnih podataka Sl. glasnik BiH, broj: 49/06, 76/11 i 89/11 saglasan sa činjenicom da se njegovi lični podaci mogu u slučaju potrebe koristiti od strane Organizatora i partnera nagradne igre. Organizator se obavezuje da neće otkrivati lične podatke učesnika trećim neovlaštenim licima.

Svi podaci učesnika u kampanji će biti korišteni isključivo u svrhu uspješne realizacije kampanje i neće biti korišteni u druge svrhe ili za potrebe trećih lica, bez prethodne saglasnosti učesnika.

Član 23.

Organizator i njegovi podizvođači imaju pravo da preduzmu sve potrebne mere u slučaju bilo kakvog pokušaja prevare sistema, zloupotrebe ili bilo kojih drugih pokušaja koji mogu utjecati

na imidž ove kampanje ili ntern koji se promoviše. U slučaju bilo kakvog spora o validnosti takmičenja, načina utvrđivanja najuspješnijih učesnika, dodjele i isporuke nagrade, odluke organizatora će biti konačne, u skladu sa ovim Pravilima.

Organizator ne snosi odgovornost za:

- greške u podacima, prijemu podataka dostavljenih od strane učesnika, budući da je to isključiva odgovornost učesnika;
- nemogućnost ili nedostupnost dobitnika da preuzme ili realizuje nagradu, niti za kašnjenja u isporuci nagrada;
- žalbe na osvojenu nagradu;
- bilo kakvu štetu koja bi eventualno nastala kao posljedica nakon preuzimanja ili korištenjem proizvoda iz nagradnog fond

Član 24.

Prigredivač neće snositi odgovornost za pretrpljenu materijalnu ili nematerijalnu štetu (uključujući stvarnu štetu i izmaklu dobit), koji nastalu kao posljedica učestovanja u nagradnoj igri i osvajanja nagrade, izuzev odgovornosti koja se ne može zakonski izuzeti.

14. U SLUČAJU SPORA

Član 24.

Potencijalni sporovi koji se dogode između Organizatora i učesnika o bilo kom pitanju u vezi sa realizacijom konkursa rješavat će se sporazumno, a u slučaju da mirno rješenje ne bude moguće, spor će biti rješavan od strane nadležnog suda.

Odluke organizatora u vezi sa realizacijom kampanje su konačne i obavezujuće za sve učesnike. Organizator ima pravo da preduzme sve potrebne mjere u slučaju bilo kakve prevare na sistemu, zloupotrebe ili bilo kog drugog pokušaja koji mogu utjecati na imidž ili troškove organizacije i sprovođenje konkursa.

U slučaju spora između Organizatora i učesnika ove nagradne igre nadležan je Općinski sud u Sarajevu.


Član 25.

Pravila stupaju na snagu po dobijanju saglasnosti od strane nadležnog organa.

Broj: 4/25

Sarajevo, 09.01.2025. godine

ORBICO d.o.o. Sarajevo



zastupano po punomoćniku
Neža Đapo, advokat iz Advokatskog
društva Eterović d.o.o. Sarajevo

Broj i datum rješenja Federalnog ministarstva finansija:
UP-05-12-1-15/25 od 20.01.2025. godine